

近代中國史料叢刊第四十五輯

沈雲龍主編

退廬全集詩·文集

胡思敬著

文海出版社印行

13
近代中國史料叢刊第四十五輯
沈雲龍主編

退廬全集

驢背集·審國病書 胡思敬著
大盜竊國記·丙午釐訂官制芻議

文海出版社印行

06

近代中國史料叢刊第四十五輯
沈雲龍主編

退廬全集

戊戌履霜錄
國聞備乘
胡思敬著

文海出版社印行

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



06
近代中國史料叢刊第四十五輯
沈雲龍主編

退廬全集

九朝新語外編
胡思敬著

文海出版社印行

06
近代中國史料叢刊第四十五輯
沈雲龍主編

退廬全集

集鹽乘
胡思敬著

文海出版社印行

退廬全書

甲子仲秋

劉逢琛署



副憲胡公神道碑 南昌魏元曠撰

皇清宣統紀元之十有四年副憲胡公卒師傳陳公寶琛朱公益藩舉其官御史時憂危國政彈劾僉邪前後數十奏并聞於上 帝嘉其忠褒之錫以額曰古之遺直大哉王言足以永譽於千古矣公諱思敬瑞之新昌人曾祖秉綸德興教諭皇祖元英貴州鎮遠知縣督練援天柱殉苗難皇考樂雲揀知縣未仕三世皆舉人至公始成進士由翰林散館改吏部補考功司主事授廣東道監察御史公釋褐歲早自以未足於學日以購書入肆書常充左右尤留心先朝

熙雍之政所以爲賓服遠邇之道復多交當世有聞之士以故中外得失大吏之賢否近之而官禁遠之而邊陲皆若得之耳目之前然未嘗越其職而一言於衆也朝士之與公結納者不過以公爲優於文事未有許公爲知政登言路數月公於是乃得真見知於天下矣光緒朝弱於四隣之國也甚新說日流而入上下信之政駸駸以改幾經變亂勢遂不可收拾天下以亡公之爲御史也攝政王監國紀綱壞裂已不復似朝廷公痛心疾首不暇他舉惟詳陳改革之利害幾於伏斧鑕以爭奸黨亦往往動色而懼御史

趙啟霖江春霖負直聲皆以劾親貴去軍機大臣吳
郁生擬旨有侵親貴之語特降內旨與大學士世續
立解樞任公無所顧力言不當任用臺臣爲之咋舌
所論疆臣皆朋奸大惑朝廷方以爲才資倚甚深故
其奏無一可行然知其忠直亦不之罪公念古人之
仕有言責者不得其言則去卽再三瀆之已無可言
遂告歸甫歸而武昌之變已作公遜於野旣乃與升
允劉廷琛于式枚諸遺臣謀興復之舉弗克馮國璋
督江甯嘗私於公介之於徐公以兩鎮合而事大可
圖徐不以爲信皖復間之公猶歲出長江不忘奔走

其間也復辟成卽家起公副都御史公方赴命阻兵而退然未嘗不一日思效忠故君所尤懼者人心世道之壞於新說亦已諱天日而淪海嶽猶日出其奇邪至不可思慮禽獸不爲之行力爲導誘且立之法制迫一世不得不率從其毒害先中於巨室之子女公憂之百計以存古之遺言與昔時教育之則復患已之聞道或淺治經已晚亟亟從事於易與小戴記以究義文之緒與夏商周制作之規以俟河汾之英志未就而卒卒年五十有二所著凡誅姦佞形構杌哀集於身後者若干卷而悅世之文闕如鳴乎改革

之初禍之遠者未彰患之著者未甚雖抱道之賢亦不無一二說之惑與之亦有所當新者公獨一一非之不無誦公執之已固至今日乃無一疥之不爲巨創無一流之不爲稽浸然後歎公言之爲著蔡詩曰維此聖人瞻言百里公豈聖乎哉亦明乎其道而已矣

胡公澈唐行狀 德化劉廷琛撰

曾祖秉綸舉人德興縣教諭 馳贈通議大夫妣

劉氏 馳贈淑人 祖元英舉人同知銜貴州鎮

遠縣知縣 贈通議大夫妣劉氏 贈淑人 考

榮雲舉人揀選知縣 封通議大夫妣漆氏 封

淑人

公諱思敬字澈唐江西新昌人王父通議公官貴州
殉天柱苗匪之難事聞給雲騎尉世職從祀京師昭
忠祠以忠節之後夙勵志操能文章有名於時光緒
癸巳舉於鄉次年成進士乙未補殿試選翰林院庶

吉士戊戌散館改吏部主事時朝政漸失而部司清
簡公益肆力於學日至書肆蒐求經籍老僕負囊從
其後無所不收蓋亦無所不讀尤精求掌故及郡國
中外利病慨然有志於天下四方賢士多慕與之交
值新章保試御史侍郎唐文慎公遂以公入薦宣統
元年己酉補遼瀋道監察御史轉掌廣東道首劾兩
江總督端方端方以之改任先是端方附和新政得
派爲考察憲政大臣歸國愈主張立憲公知國必亡
於是諫之尤爲切至時親貴爭出用事勢傾中外素
稱直臣者皆莫敢言公獨抗疏謂國家之事大者爲

樞務其次爲兵權爲財政一切悉委諸宗潢貴近之手世疑 皇上以天下爲一家私物不信漢並不信滿各懷一自外之私推卸仔肩匿情而思遁國家漸成孤立之勢而一二黨徒或且布散謠言煽惑人心其關係於宗社民生者甚可畏也自餘新政弊害莫不慷慨直陳其疏論財政鹽法謂度支部設監理財政官四十餘員或選自曹郎或拔自試用道府或起自廢黜或薦自苦塊之中朝廷不信親簡之督撫而信一二暴起領事之小臣上損疆吏之威下亂地方有司之耳目又將以鹽運使以下各官歸部任用夫

一省之大其重要只此數事而皆畫界分疆一任部
臣包攬而去督撫孤居於上已成贅疣將上無可申
之令下無可使之人一朝有變以疆事責之一人呼
應不靈束手待盡不能不爲之慮矣又疏謂祖宗用
人之法限以四途曰科目曰廕典曰勞績最後乃有
捐納舍此四途之外雖以宰相欲安置一人於部院
不能也其升擢也吏部軍機處將例應列人員進單
請旨雖以天子之尊欲驟拔一人寵以非常之祿
位二百數十年間不數數見也若內外大臣皆得援
引私人布居要地相習以爲固然此漢唐以來未有

之變局皆官制變亂階之厲也今憲政編查館所擬
行政綱目紛議併革內外官吏皆惴惴不能自保賢
者引身而思退不肖者求捷徑而先趨拙者遇事推
諉而存五日京兆之心巧者遇貨貪婪而爲日暮途
窮之計蓋不待新政實行而亂機湊泊已僥然不可
終日恐一旦不諱勢且危殆而瀕於亡論新律則曰
新律之不可行督撫言之各部院大臣駁之言路參
之卽同館之人如勞乃宣等起而攻之而皆無絲毫
之效一任奸黨抵死護持將內外各衙門簽註盡行
駁斥彼其意以將收回各國領事裁判權將黜家族

主義而進國家主義由前說言之是曰欺由後說言之是曰妄我內政修兵力強不但區區裁判權可以據理力爭卽各口商稅各埠租界且當次第磋商挽回已失之利我內政不修兵事窳敗如故一切財政局政礦政皆將受人干涉更何論租界裁判裁判不能收回害只一隅欲收回裁判而先廢倫常滅禮教害且及於天下所論家族主義者蓋以貪官污吏皆由家累而成因欲借新律以破倫常使父棄子兄棄弟隻身當官乃能愛國不知八口衣食之資所費幾何苑囿池臺狗馬聲色宴遊博奕之事耗財不可勝

計皆一人之奉養耳於家族何與人必先有親愛骨肉之心由親及疏乃可推而達之於國吳起殺妻求將易牙烹子以食其君可謂棄家族主義而就國家主義矣如館臣之說破去家族主義子然一身當其得志之時恣意豪侈及其敗也脫身遠颺朝秦暮楚任其所之尙知國事爲念耶近時習俗澆薄民情日偷父子兄弟之間有慚德者多矣今又教猱升木五倫旣絕生人之趣盡矣國尙可爲乎論地方自治謂權利所在衆所爭趨君子孤立而小人有黨兩相趨則孤立者必絀君子持正而小人詭隨兩相角則持

正者必傷新政未與之前民間相率醜錢以成義舉不必樹地方自治之幟而各府州縣隱然具一自治之規自新政行民氣日囂藐玩官長何論族隣地方公產盡爲豪強吞併一切義舉剗破無遺助虐者尙以爲不足復多方聚斂以濟奸貪如江西按畝加捐動輒二三十萬亦何其不仁甚耶劾日黨之疏曰國會之長奸籌備清單之誤國凡仕途稍有知識者莫不痛心豈有身居要位之人反憤憤若此近密加訪察乃知憲政編查館資政院外務部諸員多與日本交通受其財賄而陰爲之用蓋日本自乙未議款規

我國無人久思一逞其主謀之臣一日伊藤博文一
曰大隈重信伊藤志在高麗大隈志在我國我國內
亂不興四民安堵無事各督撫保守疆土百足之蟲
死而不僵彼無如何也必先耗我物力墮我朝綱敗
我士風亂我官制解散我民心使之自相蹂躪藉口
興戎乃可得志早稻田大學招徠中國學生數千人
擇其稍黠者如曹汝霖汪榮寶楊度之徒極力牢籠
啗以重金將來籌備日迫民不聊生新軍半屬革黨
內外鈎通我 皇上當此危難之時束手傍徨而督
撫之兵權已釋問問之怨毒已深二十二行省勢如

破竹如入無人之境言念及此能不寒心是時憲政之弊大彰而請開國會者驛騷彌甚公復密陳隱患曰歐西政體有專制立憲之分其由專制趨於立憲必上下相殘大亂數十年而後定使我國專制如暴之英法賦稅無定則徭役無定期刑罰無定律強凌弱眾暴寡世族蹂藉平民無復人理立憲可也使今日要求立憲之人果係閭閻供租稅勤本業痛切於身公推其長老呼籲君門冀解倒懸之急立憲亦可也兩者一無所出刺高馬而適卑車削附蹠而納褊履盈廷聚訟舉國如狂何其言之不詳也立憲之法

以位于君以權予內閣君不負責任責在總理大臣
又設國會以監督之會黨尋隙相攻總理輒引身而
退國本搖矣事何由濟臣見君子而充議員黨孤力
怯將屏息不敢出聲小人而充議員上藉抵抗官長
之勢卽下可欺壓良善總理大臣而賢牽掣多而一
事無成將有席不暇暖之勢總理大臣而不賢勾通
政黨且潛生睥睨神器之思並陳挽救三策皆不報
公居言路未及三年疏四五十上凡權奸貪吏妖人
奸黨靡不指名彈劾一不聽則再疏三疏抗論執政
頗厭惡之公不爲止又疏舉學務十弊六害最後痛

陳一疏斥新政擾亂天下條其目曰速貧之道六速
亂之道九速亡之道五凡數千言不報再疏請臣疏
關係宗社大計應交內外大臣詳議所言是當酌予
施行否則當治臣以莠言亂政之罪亦置之公乃自
劾曰有言責者不得其言則去然新政不急思變計
臣卽混跡漁樵雜身傭保而官吏之追呼寇盜之劫
奪宗戚隣里之號泣哀呼四顧徬徨亦且無託身之
所故不惜捐糜頂踵昧死犯顏亦迫於自救其身戀
家室保妻子耳今養癰已深噬臍何及有微臣所不
忍言者亦卒不省公曰臣職盡於此矣遂乞去未數

月而武昌變作及聞一遜位詔大慟明年訪余於青
島相持痛哭謂大盜移國討賊無人吾輩之辱也乃
奔走金陵徐兗之間開羣帥以大義別後復寓書譬
諭丁巳夏五月復辟 授都察院左副都御史公馳
抵九江聞變道阻而返其明年顧余於匡廬九峯山
中苦語窮日夜慰勗甚至謂辦大事在得人故公離
家居間歲必出遊歷訪遺臣故老陰以求天下奇士
壬戌夏復出至南昌四月晦日病卒年五十有三公
居京師積書數屋盡以携歸築問影樓於東湖之濱
藏之因假爲圖書館就刻豫章叢書蒐輯先哲散佚

孤本書成得一百十種輯邑志爲鹽乘十二卷樓下
爲退廬因號曰退廬居士初建新昌三君子祠祀吳
忠節甘來鄒公維瓊姚公勉又建明季六忠祠祀袁
忠毅繼咸揭忠烈重熙姜忠恪日廣楊忠節廷麟萬
忠節元吉陳忠愍泰來於新昌得古夷齊廢廟改曰
殷賢祠以梅子真陶靖節皆嘗居其地輯梅陶二公
祠立學其中曰鹽步書院課經史上舍供其餐修城
北古柏園日冬青園居焉自奉甚儉食不重肉惟購
書無倦至省書肆外無他往少頗以文章意氣自豪
詩學太白長吉文有賈長沙蘇子瞻之風壯歲折節

讀書於詩文不甚措意晚遭世變乃潛心宋五子書
以上溯六經每貽書朋好必以講學挽回世道相勸
勉所著退廬疏稿四卷驢背集四卷丙午釐定官制
芻論二卷戊戌履霜錄四卷王氏讀通鑑論辨五卷
鹽乘十二卷已梓猶有國聞備乘大盜竊國記審國
病書九朝新語古文辭類纂補聖武記纂誤魯論六
要類釋詩文集共若干卷藏於家妻劉氏 贈淑人
妾徐氏丁氏遺腹子一女子二人長適臨川李文潔
瑞清子純侃次字余次子希淹余與公同官京朝未
嘗數日不相見國變後公屢出視余所論尤听合公

知交徧海內莫夙於余知公爲深故論其治行並最
其奏疏要略如左備史家甄采謹狀

退廬詩集

宣統甲子刊
於南昌退廬

澁唐既没予復來居湖上定其遺著屬國故者審國
病書一卷大盜竊國記一卷國聞備乘四卷其詩四
卷文七卷箋牘四卷則皆所以見其志者曩與予言
文則不敢自信詩尙可語故文獨散亂多遺佚如京
口都統載穆傳自謂死國變最烈者一人搜之不得
人之傳不傳亦有命在也卽其存者次其卷如此凡
紹唐之作存於編者皆在光宣之際變亂之後心未
嘗一日忘君國與乎人心世道之憂其文詞善往復
流暢豁達一本其好善疾惡之性以立言得因以洞
見新政之禍於立朝諸疏之外卽所以詠歌其志者

亦不失其宗若格調則宋南渡後諸家之彷彿也昔
人致數有曰後世誰相知定我文者然激唐之心其
日夕思我所以得爲者事豈在此哉予老不足以待
天下之清如激唐及扶常子雅甯愚諸子年之少我
皆在旬紀以外固將以託予之所任乃年來先後殂
喪反昇目昏齒搖者一一經紀其所留遺不亦重可
哀乎憶癸丑之夏激唐自滬上歸要予登湖樓屏從
酌酒語天下事勸爲彭城之行予強應之仍止然未
嘗不慷慨動於中也今益已矣夫何言魏元曠逸叟

序